

المشكال

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم
ديني ، علمي ، ادبي ، سياسي هفته لقي مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف اديب

عدد ٤٥ - ٢٢٧
صفر ٨ ١٣٣١
نجشنبه
٣ كانون ثاني ١٣٢٨
جلد ٢ - ٩

فَقْرٌ وَفَتْاؤُی

محاورہ :

برحق ایلہ مقلد آردہ سنده

۴

حروف ، زایرجہ ، جفر دہ کی اسرار حقندہ

حروف ، زایرجہ ، جفر دہ کی اسرار - اوٹورسہ ک مسرور تجربہ ایدرسہ ک محزون اولورسہ ک - اسرار حروف : مسلمانلر ایلہ مسلمانلرہ مخصوص اولان اشکال حروفہ می محصور - اللہک ، بعض ناسی دیگر بعضیسیاہ دفی - خطوط عربیہ نک اختلافی : اسرار بونلرک ہانکیسندہ اولدینی - بواموری جیقار انلر باطنیہ طائفہ سی اولدینی - اشکال و عدد حروف اوزرینہ مبنی ، عقائد درزینک اصولی حقندہ کی کشف الحقائق رسالہ سی - بوسالہ دہ کی غرائب و عجائب - باطنیہ و صوفیہ مذہبلی - حروفہ کی منافعی تجربہ - حروفہ کورین منافعک اسبابی - وہم - نفسہ تأثیر - تاریخک فائدہ سی .

اختیار مقلد ایلہ کنج محقق ینہ محاورہ و مبادلہ افکار ایچون برلشدیلر ؛ کنج محقق مسلمانلرک امراض اجتماعیہ سنہ تعلق ایدن مسئلہ ، و بونک صورت تدوینی حقندہ ادارہ کلام ؛ اجتہاد و تقلید خصوصندہ کی رأی ، اسلامیتک بر طریقہ عبارت اولوب - بوندن اولورده اشارت ایدلدیکی اوزرہ - اسلامیتدہ اختلاف و تفرقہ جائز اولدینی اختیار مقلدہ ایضاح ایتک ایستہدی . شیخ بونک فکرینی اکلانجہ اوندن قاچنہرق ہان شو صورتلہ سوزہ باشلدی :

مقلد : - کچن محاورہ مزیدہ اسرار حروفی ، خستہلرہ شفا و یرمک حاجتلی قضا ایتک خصوصہ ندہ بو حروفک یامش اولدینی تأثیراتی سکا ذکر ایتکی اونوتمشدم .

حال بوکے بوتأثیر ، واقع و نفس الامر دہ کی تجربہ صحیحہ ایلہ مثبتدر . بناء علیہ بونی قطعاً انکار ایدہ منسک ! چونکہ سن متصل سویلیورسک کہ علم صحیح انجق موجوداتک شہادت ، تجربہ صحیحہ نک تأیید ایلدیکی شیلردن عبارتدر . ایشہ (جفر ، زایرجہ) دہ بویلدر ؛ زیرا علم جفرو زایرجہ واسطہ سیلہ علماء عارفین بر طاقم امور حقندہ اخباراتدہ بولندقلری حالہ اونلرک ہپی دہ دیدکاری کی ظہور ایتشددر . کچن محاورہ مزیدہ بورانی سکوت ایلہ کجیشدیرمہ مک سہی بونلر حقندہ مضبوط طرق علمیہ اولدینی بیلمیوردم ؛ بونک ایچون حساب جلدہ سویلدیکک شئی بونلر حقندہ دہ سویلیویورسک دیہ قورقدم . فقط ، سندن آیرلدقن صکرہ (زایرجہ ، اسرار حروف ، اوافق) علمندہ بدطولا صاحبی اولان ایکی شیخہ - بریسی مغربی دیگر کی مصرلی - مراجعت ایتدم ؛ اونلر بکا خبر و یردیلرکہ : مغیاتی کلامق ، مجهولاتی استخراج ایتک ایچون بوعلومہ مخصوص اصول صحیحہ مضبوطہ واردر ، بناء علیہ بوعلم ، مضبوط بر قاعدہ مالک اولیان حساب جل کی دکادر .

حقق : - چوق انسانلر واردرکہ : بوکی سوزارہ الدانہرق

کتب و السنہدہ بواوافق و حروفک ؛ مجرب ، صحیح اولدیغنه دائر دوران ایدن شایعاتی تصدیق ایتدیلردہ « دیربی » و بشقلرینک یازدینی شیلری بالذات کندی نفسلرندہ تجربہ یہ مجبور اولدیلر ؛ فقط بوقدر تجربہ دن آلدہ ایتدکاری فائدہ ندر ؛ هیچ دکلی ؛ چونکہ دفعات ایلہ یامش اولدقلری تجربہ نک نتیجہ سی - ضرب مثل حکمنہ کیرن - شو قاعدہ ی وضع ایتک اولدی : « اوکورکن فرحیاب اولور ، فقط تجربہ یہ کلیدی خزن و ماتم ایچندہ قالیرسک . » اوت ، علمی تأیید ایدن بر تجربہ یہ - مطرد اولق ، معلوم و معین بر سبب بولندقجہ هیچ بر زمان تخلف ایتہ مک شرطیلہ - بندہ اعتبار ایدرم .

برده اوتجربہ سییلہ اوعلمی ہرکسک قولایلقلہ اکلایہ بیلمسی لازمدر . مع هذا بز کوریسیورزکہ : زمان کچدکجہ علم نامی و یریلن بوکی شیلر ، انسانلرک مالی باطل بر صورتدہ یمکے چالیشان ؛ عدملری محدود دجاللر آلدہ محصور قالیور .

اگر بونلرہ مخصوص علمہ مستند بر اصول صحیح اولسہیدی ، علوم و فنون حقیقیہ نک ترقی ایتسیلہ بونلردہ ترقی و تعالی ایدردی ؛ لکن کوریسیورزکہ علوم صحیحہ ترقی ایتدکجہ بونلر تدنی ، معارف حقیقیہ ایلری کتدکجہ بونلر کریدہ قالیور . حتی اوقدرکہ اوروپاوشمالی آمریقانک برچوق یرلرندہ بومسلملر محو اولدی ؛ نام وشانی اورتہ دن قالہ سی . شو حالہ بونلر علم سحر ، علم طلسمک فروغندندر .

مقلد : - آرتیق صوص ! چونکہ بوعلوم ، حروفہ اولان بو اسرار ، حروف عربیہ نک ایچندہ محصور ، مسلمانلرہ مخصوصدر . ایشہ بونک ایچوندرکہ بوعلوم یا لکنر صلحاء مسلمین اللرنده کوریلہ ییلر ؛ بوعلومدن اونلر استفادہ ایدر . بناء علیہ اوروپادہ بولنامسی ، اونلرک بوعلوم و اسراری انکار ایتہ لرندن طولانی سنک کیلرک دہ انکار ایتہ سی دوعری اولماز . بعض کیمسہ لرک تجربہ ایدوبدہ یاہ مدقلرینہ کلنجه : بونک اسبابی شرطنہ توسل ایتہ ملریدر ؛ زیرا بونی یامق ایچون یا اہلنہ معلوم اولان ریاضت مخصوصہ یی ایفا ایتہ لی یا خود جنساب حقک بوعلوم و اسراری بخش ایتش اولدینی شیخدن مأذون اولمی . بناء علیہ تجربہ نک حال اطرا ددہ بولنہ سی ، هیچ بروقت تخلف ایتہ سی ایچون بوسیلرک بولنہ سی لازمدر ایشہ بوکلام ، یوقاریدہ سبب معلومک خارجندہ تجربہ نک عدم تخلفنہ ، دائماً مطرد بولنہ سنک وجوبنہ دائر در میان ایتدیکک شرطدہ توافقی ایدیور .

هم بتون بلاد اسلامیہدہ شو تجاربک صحتہ دائر تواتر وار ؛ سن بونی انکار ایتکہ قادرمیسک ؛ بونلرک صحتہ دائر دہا سویلدیکم برچوق شیلردہ وار ؛ شوراسی دہ محققدرکہ : بونلرہ ہانکی بر مجلسدہ ذکر ایدلدیسہ صحتہ دائر یک چوقلرینک شہادت ایتدیککی ایشدم : کیمی خستہ سنک شقایاب اولدینی ، بمضیلری دہ مهم رایشی کورلدیککی ، بر قسمی دہ بلادن قور تولدینی اکلادتدی . ذاتاً بویلہ اولسہیدی کائنات فسادہ واریردی . « ولولا دفع الله الناس بعضهم ببعض لفسدت الارض . » حقق : - شیخ ! کوریسیورم کہ آیات قرآنیہ یی موضعک غیر یسنہ

وضع ایتمکدن بشقه براجتهادکده قالمدی . چونکه : « ولولادفع الله » آیت کریمه سی حضرت « داود » ک « جاوت » ه قارشى اولان محاربه ، و « داود » ک « جاوت » ه قارشى منصور ومظفر اولمسی سیاقنده نازل اولدی . نصل که کنديلرینه محاربه آچانله قارشى نفسلرینی مدافعه ایتک ایچون مسلمانلرک جهاد ايله مآذون اولملری حقنده ده « ولولا دفع الله الناس بعضهم ببعض لهدمت صوامع وبيع وصلوات ومساجد یذکر فیها اسم الله کثیراً » آیت کریمه سی نازل اولمشدی . بوراده سببک خصوصنی براقوبده عموم لفظی اعتبار ایتکده دوغری دکلدرد . زیرا اسرار حروف مسئله سی بولندیغمز حدک خارجنده در ؛ شو حالده بوکا بوجه تحیح ارامق لازمکیرسه اوده « امت » ک عقولنی ، اخلاقی ، اعمالنی افساد ایدن بوکی اعتقادات خرافیه یی نیم کیلرک دفع ایدوب آتمه سیدر .

بزینه موضوعه دونلم . بواسرار ، حروف عربیه یه مخصوص دیمک ، اسرارک حروف عربیه ایچون معروف اولان اشکال مخصوصه ایچنده محصور اولمسی اقتضایدر ؛ حال بوکه حروف عربیه الآن یک مختلفدر : چونکه شرقده بولنان عربلرک ، ترکلرک ، عجملرک یازیسی ، غربده کیلرک یازیسنه مغایردر ؛ بوعصرده بولنان اهلینک یازیلری ايله صحابه ، تابعین زماننده متداول اولان خط کوفی آره سنده ایسه اشکال اعتباریله هیچده مشابهت یوقدر .

شو بدع و خرافاتک ملت اسلامیه ده نصل ظهور ایتدیکنی بیلنلر ، اشکال حروفه مخصوص اسرار اولدیغنی ادعا ایدنلره تعجب ایتزلر . اگر تاریخه مطلع اولسه یذک عرفای امته کوره بدیه یاتدن اولان شو حقایقه قارشى اطاله کلام ایتکه نی براقازدک .

بومثللی بدع و خرافات ، باطنیه طائفه سنک فتن و فسادنددر ؛ باطنیه طائفه سی ایسه ملت اسلامیه آره سنه فتن و فساد تخمی ا کن فرق ضاله نك اک شدتایلرنددر . حتی اونلرک ا ککش اولدیغنی فساد تخمی یوزندن تحذرت ایدن بلای عظیم بوکونه قدر نشو و نما بولمقده بردوامدر . بونلرک اک صوللری ده (بابیه) ، (بهائییه) فرقه لیدر . بونلرک بدعتلری ده دیکرلری کی مشابهاته ، بلکه ده غلات متصوفه ايله باطنیه بیننده اولان اشتباهه قارشى تصوفی ایلری کتورمک ، کیسوه تصوفه بورونمکه راوج بولمشدر . ایشته بواسرار ، صلاحی امته ؛ یاخود اونلردن مآذون اولنلره مخصوصدر دیدیککده بودر .

اونلرک صاحبش اولدیغنی بدع و خرافات تخمندن اصابت ایدن سریندیلر مسلمانلر آره سنده یابه جنی قدر افساداتی یادی . بالذات باطنیلره کلنجه : اونلرک عنندنه حروف ، حرفک اشکالی ، عددلری ، یکدیگرینه تناسبلری ، تخالفلری ، طبیعتلری - صوفیه مذهبیه سلوک ایدن جهاله مسلمینک ظن ایتدکری کی - « دین » ک یالکیز اسرار کمالیه سنندن معدود دکل ، بلکه بونلر « دین » ک اصولندن ، قواعد اساسیه سنندن ؛ حتی بوقواعد و اساس اوزرینه اولان کلاملرینی بیله - (اسماعیلیه) فرقه سنک رئیسى اولان (حسن صباح) ايله دیکرلرینک

یادینی کی - علم نجوم ، علم حساب ايله مزج ایتدیلر . هم بن طوائف باطنیه ده دائر عرب تاریخلرنده تصادف ایتدیکم اخبار و روایات ايله اکتفا ایتکده ایستمدم . بلکه بوندن بشقه اوروپا مورخلرینک کشف ایدوب میدان قویدقلری شیلرک برچوقلرینه ده واقف اولدیغ کی (دورزی ، نصیریه) طائفه سنه مخصوص اوله رق یازیلان بعض کتابلرده واقف اولدیغ شیلری ده بوبابده کی تدقیقآمه زیاده ایتدم . (دورزی ، نصیریه) مذهبیه عائد اولق اوزره یازیلان بوکتابلر عادتاً قوقولری محافظه ایتک ایچون یازیلان حقهر ، قیمتی اشیا کیزلیه جک صندقلر کیدر ؛ اونلره کوره بوکتابلری رؤسای « دین » دن بشقه هیچ برکیسه نه طبع ایده بیلیر ، نه ایچنده یازیلی اولان شیلره مطلع اولا بیلیر .

مقلد : - رجا ایدهرم ؛ شو کیزلی کتابلردن بعض شیلره نی ده مطلع قیل ، کوستر .

محقق : - بوکتابلری عاریت ویرمک کی بر سماحتی هیچ برکیسه یه قارشى ابراز ایدهم ؛ فقط سویلدیکم سوزلرک صحتنه دائر سند یقین حاصل ایتک ایچون اوکتابلردن سکا برقاچ جمله اوقورم . محققک اوقودینی جمله لر کلجک هفته یه قالدی

اجتماعی

اک مدهش مرض اجتماعی :

مسکرات ، لعبیات

« ... انما الخمر والمیسر ... رجس من عمل الشیطان فاجتنبوه لعنکم تفلحون . - قرآن حکیم .. » راقی ، شراب ایچمک ، قمار اوینامق ! .. آنجق اعمال شیطانیه دن برطاقم مردار شیلردر ؛ بناء علیه فوز وفلاحه ، سعادت وسلامته ایرمک ایسترسه کز شیطانک تسویل و تزیینی ايله حصوله کلش اولان بومستکره شیلردر وازکیکیز ؛ بوکی دنائت اخلاق ايله متصف اولدقجه سزک ایچون چاره نجات یوقدر .

قانون فطری اولان قرآن کریمک بتون اوامر ونواهیسی تدقیق ایدیله جک اولورسه اونلرک نه قدر بیوک حکمتلری احتوا ایتدیکی اکلا شیلیر . قرآن ، بیک اوچوز سنه اول خمری ، قمار اوینامای ودها بونلره مماثل هیئت اجتماعیه نك حیاتی تهید ایدن برچوق شیلری نهی ایتش ، فوز وفلاحک بونلری ترک ایتکده اولدیغنی یک شدتلی برصورتده بیان ایتمشدر .

حقیقه انسان برآز عقلنی باشنه آلوبده دوشونه جک اولورسه شواکی علنی - مسکرات ، لعبیات - امراض اجتماعیه نك اک مهلک لری صیراسنده کورییور . چونکه قمار ، نیجه بغض و عداوتلر ایقاع ، نه قدر آدملر ، ثروتلر تلف ایتش ، نه قدر خائمانلر سوندیرمشدر . عالمده نیجه بیک مفاسد و شرور تولید ایدن ام الحباثت - مسکرات - ده